

UTAR, Confucius Institute UMS perkukuh kerjasama bidang pendidikan, budaya Cina

UB 23.12.2022 P.06

KOTA KINABALU: Lawatan mesra rombongan dari Universiti Tunku Abdul Rahman, kampus Sabah (UTAR) ke Confucius Institute, Universiti Malaysia Sabah (CI@UMS) mampu memperkukuhkan kerjasama berkaitan bidang pendidikan bahasa Cina dan budaya Cina antara kedua-dua pihak.

Rombongan UTAR yang diketuai Timbalan Ketua Kampus Sabah, Chan Fui San disambut Pengarah (Malaysia) CI@UMS, Prof. Dr. Low Kok On dan Pengarah (China) CI@UMS, Prof. Madya Deng Rong.

Menurut Deng Rong, lawatan tersebut yang bertujuan untuk menjalinkan silaturahim dan kerjasama antara kedua-dua pihak turut menjadi platform terbaik untuk CI@UMS memperkenalkan sejarah dan matlamat penubuhannya.

"CI@UMS komited dalam usaha meningkatkan pendidikan bahasa Cina kepada masyarakat khususnya di Sabah serta pemahaman orang ramai terhadap budaya Cina.

"Institusi ini adalah satu platform penting yang berkait dengan hubungan antara China dengan Sabah," katanya.

Deng Rong turut menjelaskan, dalam pertemuan tersebut, kedua-dua pihak membincangkan beberapa perkara, antaranya peluang untuk UTAR dan CI@UMS bekerjasama menganjurkan aktiviti budaya bersama dan membuka kelas bahasa Cina HSK (Han Yu Shui Ping) di UTAR pada tahun hadapan.

"Pihak UTAR juga berharap agar CI@UMS dapat membantu mereka menjalinkan hubungan akademik dengan universiti di China serta menawarkan biasiswa untuk pelajarannya melanjutkan



LAWATAN: Ahli rombongan UTAR kampus Sabah melawat perpustakaan CI@UMS.



PENGHARGAAN: Prof. Madya Deng Rong (kanan) menyampaikan cenderahati kepada rombongan dari UTAR.

pelajaran di China pada masa yang akan datang.

"Justeru itu, CI@UMS akan berusaha untuk membantu pelajar yang belajar bahasa Cina dan menduduki

peperiksaan HSK di CI@UMS untuk melanjutkan pelajaran di China melalui permohonan biasiswa," kata Deng Rong.

Ujar beliau, kelayakan

HSK tahap 3 ke atas bukan sahaja dapat membantu pelajar memperoleh biasiswa belajar di China, malah turut membantu mereka mendapat peluang pekerjaan di China.